

## **Duruma - Chiroho Kupiga Maandiko - SW Intro Scriptures**

**Luka 17:5 Ndo ahumwae a widimi achimwamba vivi, "Bwana! Hujenge kwa ta huhende kuluphiro ra kudina."**

**ARumi 10:17 Ndo kufikira phapho, hunaonani kukala, mut'u ukuluphira kwa usikira udzumbe. Na udzumbe nao kusikirwa, mut'u niasumurire Nguma Mbidzo dzulu ya Jeso K'irisito.**

**Luka 11:1 Ts'iku mwenga, Jeso wákala u phat'u unavoya, na ariphomala kuvoya, mwanafunziwe mumwenga wámwamba, "Bwana, hungehenza uhufunze kuvoya dza Johana Mubatizi arivyoafunza anafunzie."**

**1 T'imoti 2:1-4 Ndo rangu ra mwanzo ni kwamba, ninamukalata mwavoyere at'u osi. Na vyo mulavyavyo mavoyo genu, muvoyeni Mulungu kukala aaonere mbazi, na mumulavire mumvera Mulungu. 2 Mwimwi kwa njira yiyo, avoyereni afalume, na anjine osi ario anatawala kwa ta husagalen na reri photos'o muyuwano, humuhikirehikire Mulungu na hukale atakatifu. 3 Neno riri ni idzo, na rinamuhamira Mulungu Mutivyi wehu, 4 ariye unaahenza at'u osi ativywe, na phapho amanye ujeri.**

**Luka 22:31 Simoni, Simoni! Sirikisa! Shetani uhenzezwa ni Mulungu amuheze mosi kwa ta amanye kuluphiro renu dza mut'u aphet'avyo matsere, akagaika hicheyne na wiswa k'anda.**

**Zakariya 3:1,2 - Juda 1:9 Maneno gago anagahenda, ela ta ye Mikaeli, ariye ndiye malaika mubomu, chisha k'agahendere. Yiye ariphokala unaheha na Shetani dzulu ya ni ani yekala niaphale lufu Iwa Musa, Mikaeli k'asubutire kumwamba ni mulongo, hebu kumwifya ye Shetani, its'iphokala ye wámwamba, "Bwana Mulungu, undakona!"**

**AEfeso 6:12 Mwimwi zivaleni zizo ch'inga, kwakukala, k'ahuhehani na adamu anziehu, its'iphokala, hunahehani na atawali, enye widimi, nguvu za urumwengu uu wa dziza, na mapepo mai gatawalago garigo dzulu.**

**AEfeso 6:10,11 Enehu a chijeso, rangu ra musindikizo ni kwamba, patani nguvu kulaa kwa Bwana, kwakukala, una widimi unji. 11 Mwimwi valani ch'inga zosi muhewazo ni Mulungu kwa ta mwidime kudzirinda na mbinu mbii za Shetani. AEfeso 6:13-17 Ndo mwimwi valani ch'inga zosi muhewazo ni Mulungu, kwa ta ao achimugwavukira ats'imuzuru, na gago gachisira mukale mucheri kwima kudina. 14 Ndo dzirinden kwa kumanya ujeri wa Mulungu, na uo undakala dza ukanda wa kudzfunga mwenu vyununi: kalani na haki ya Mulungu, na yiyo yindakala dza ngao ya myoyo yenu. 15 Kalani na reri yirehewayo ni Nguma Mbidzo, na yiyo yindakala dza virahu vya kurinda nyayo zenu. 16 Phamwenga na vivyo vyosi, gwiririrani kinyi kulu-phiro, na riro rindakala dza ch'inga ya kufisa mivi yosi ya moho mujezwayo ni ye Mui. 17 Humirani wokofu wenu dza k'ofiya ya kudzichingira chitswani, na neno ra Mulungu kulaa kwa Rohowe dza upanga wenu.**

**Aburania 4:12 Maneno gosi ga Mulungu ga moyo, gana widimi, na ganarya**

**muno kuchira upanga. Gago gachimuphenya mut'u, bee ganenda ndani ta gagavye ga moyoni na ga rohoni, na gagavye misoza na muretso. Na chisha, ganang'aza maazo ga at'u na gao ahenzago, kumba ni madzo hebu ni mai.**

**Luka 4:8 Phapho Jeso achimuudzidza achimwamba, "Gáandikwa Maandikoni ga Mulungu kukala, 'Mwabudu Bwana Mulunguo, na umuhikirehikire yiye hichey tu! "**

**AEfeso 6:18 Kalani muchivoya chiroho ukati wosi mavoyo ga chila aina na viriro vyenu. Mwimwi dzimanyirireni, na mukale avumiriri kwavoyerani at'u a Mulungu osi.**

**1 Samueli 17:45-47 - Daudi & Goliath**

**Luka 10:17-20 O anafunzi mirongo mifungahe (70) ariphomala kusumurira neno ra Mulungu, áuya na kuno achikala anahamirwa muno. Ao ariphouya ámwamba Jeso vivi, "Bwana, ta p'ep'o áhwogopha huriphachemera kwa dzinaro!" 18 Jeso achiaamba, "Mino nákala gago gosi ninagaona, na nichimona Shetani vyogwa dza mufyu wa chikwakwara kulaa mulunguni. 19 Sirikisani wahi, mino námup'a widimi wa kuvyoga ta nyoka na vizimba, na widimi wosi wa kurima mudawa, na k'akuna chondomuzuru. 20 Ela ta vivyo, muts'ihamirwe muno kwakukala, p'ep'o anamogopha, hamirwani tu kwakukala, madzina genu gáandikwa mulunguni, kwenye chitabu cha uzima."**

**2 AKorinto 10:3-5 Kala ni kusagala, husagala phapha duniani jeri, ela k'ahuheha chidunia. 4 Ndo siswi k'ahuhumira silaha za chidunia. Sino huhumira silaha zenyenye widimi wa Mulungu, kuurimira widimi wa Shetani. Ndo hunagarima maneno gosi ga ulongo, 5 na hunagarima maneno gosi ga kudziunula, gaidimago kwaaziza at'u ats'imumanye Mulungu. Sino hunahenda maazo gosi ga at'u gakale ga kumogopha Jeso K'irisito.**

**2 T'imoti 1:7 Maana, Mulungu wáhup'a Roho ahup'aye widimi, ahuhendaye huhenzaneni, na ahuhendaye hudzidinise kwa ta huts'ihende dambi, ela k'ahup'ire Roho wa kuhuhenda hukale aoga.**

**Matayo 12:28,29 Na ts'ivyo bee, ta ujeri wenyenye ni kukala, ninaalavya p'ep'o kwa widimi wa Roho wa Mulungu, na vivi vinaonyesa kukala, Ufalume wa Mulungu ukudza kare kwenu. 29 Vivi vinga dza vya mut'u ahenzaye kuphenya nyumba ya mut'u wa mukotse amunyang'anye miyoye. Yiye niaanze kumugwira ye mwenye mwanzo na amufunge, ndo aidime kumunyang'anya miyoye.**

**AEfeso 1:13 Mwimwi namwi vivi mwáusikira o udzumbe wa jeri, yaani Nguma Mbidzo yimuhendayo mutiye. Na muriphomukuluphira K'irisito, Mulungu wámupiga mola wa konyesa mu at'ue kuchirira kumup'a Rohowe yekala ulaga.**

**Mahendo 19:6 Ndo P'aulo achiaikira mikono achiavoyerera. Roho wa Mulungu achiatsererera, nao achanza kugomba viryomo, na chisha achisema udzumbe wa Mulungu.**

**Mariko 16:15-18 Ndo achiaamba, "Mwimwi endani kwa at'u osi chila its'i,**

**mukaasumurire Nguma Mbidzo. 16 Na yeyosi yendekuluphira na kubatizwa, undativywa. Ela yeyosi yenderema kunikuluphira, undalamulwa. 17 Na arat'u ondokuluphira, andahenda gaga; andalavya p'ep'o kwa dzina rangu, na andagomba kwa viryomo viphya vinjine. 18 Ao achigwira nyoka, na achinwa shumu, vivyo k'avindaahenda vii. Na andaai kira mikono akongo kwavoyer, nao andaphola."**

**1 Johana 1:9 Ela huchikubali hu adambi, na huchigasema go madambi gehu gogahenda, Mulungu undahusamehe, na ahuu sire ui wosi, maana, yiye unakuluphirika, na unahenda ga haki.**

**Zaburini 109:17 - Jakobo 3:10 Mulomo ndio upigao at'u makarama, na ndio ulavyao mumvera. Ela ninamwambira mino mwimwi ajeso asena kukala, mujeso k'ahenzwa apige at'u makarama.**

**Judges 16:16 – 2 P'etero 2:7,8 Ela Mulungu phapho wámutivya Lutu, kwakukala, wákala unahenda ga haki yiye. Lutu wákala achishononeswa ni go maneno ga waibu gokala gachihendwa ni o at'u ai a Sodoma. 8 Yiye Lutu yekala unahenda ga haki, wákala usagala mudzi uo okala at'u ni ai, na chila ts'iku wákala achishononeswa muno ni go mai gokala achigaona, na gokala achigasikira.** **AEfeso 4:26 Mwimwi muchikoseka, muts'itsukirwe muno ta mukahenda dambi, na muts'isinde dii kutsukirwa,**  
**ARumi 14:12 Ndo chila mumwenga wehu undaudzidza mwenye Mulungu, dzulu ya gakwe gosi gogahenda.**

**1 Johana 2:23 Na aremaye kumukuluphira ye Mwana, k'aidima kuhenda umwenga na Abaye Mulungu. Ela amukuluphiraye ye Mwana, unamuphokera ta ye Abaye Mulungu naye.**

**Johana 14:6 Jeso achimuudzidza achimwamba, "Mimi ndimi njira, ujeri na uzima. K'akuna aidimaye kudza kwa Baba photos'onichirira mimi.**

**Matayo 11:28-30 Mumwenga wao wákala unaihiwa Agabo, na yiye wálongozwa ni Roho wa Mulungu achisema chimbere kukala, kundakala nzala bomu dunia yosi. (Nzala yiyo yálairira ukati wa utawali wa Kilaudiyo). 29 Ndo anafunzi a Bwana okala a mudzi wa Anitiyokiya achamula, chila mumwenga alavye chochosi kutuwirizana na patore, chiphirikwe chikaaavize akuluphiri okala anasagala Judea. 30 Ndo achihenda vivyo, na achiahuma Barinaba na Saulo, aphirike mutsango wao kwa vilongozi a kanisa ra Jerusalemu.**

**2 AKorinto 6:2 Maana, Mulungu wáamba, "Ukati wa kukwaviza uriphofika, násikira chirirocho, na ts'iku ya kukutivya yiriphofika, nichikwaviza." Bee, uu ndio ukati wa kwavizwa, na ndiyo ts'iku ya kutivywa.**

**ARumi 10:13 Vivyo vinagwa sawa na Maandiko ga Mulungu gaambago, "Chila yendemuvoya Bwana, Bwana undamutivya."**

**Exodus 20:5 - sin cursed to 3 & 4 generations**

**Pastor T. John Franklin**

**Church of Salvation, Healing, and Deliverance - COS-HAD.org**